



**Bwrdd Iechyd Prifysgol Betsi Cadwaladr (BIPBC)
Grŵp Cyfeirio Rhanddeiliaid (GCRh)**

Cofnodion y cyfarfod a gynhaliwyd ar 20.09.21

Yn bresennol:	Yn cynrychioli:
Ms Clare Budden	Darparwyr Tai (Cadeirydd)
Y Cyng Mike Parry	Un Llais Cymru (Is-gadeirydd)
Mr Gwilym Ellis Evans	Mantell Gwynedd
Mrs Fiona Evans	Cyngor Gwasanaethau Gwirfoddol Conwy
Ms Kate Newman	Cyngor Gwasanaethau Gwirfoddol Sir y Fflint
Yr Athro Robert Moore	Rhwydwaith Cydraddoldeb Rhanbarthol Gogledd Cymru (NWREN)
Ms Sian Purcell	Cyngor Gwasanaethau Gwirfoddol Medrwn Môn
Mr Trystan Pritchard	Hosbisau Gogledd Cymru
Hefyd yn bresennol:	
Mr Clive Caseley	Cyfarwyddwr Dros Dro Partneriaethau, Cyfathrebu ac Ymgysylltu
Ms Sally Baxter	Cyfarwyddwr Cynorthwyol Strategaeth Iechyd
Mr Steve Williams	Ymddiriedolaeth Gwasanaethau Ambiwlans Cymru
Ms Laura Jones	Swyddog Llywodraethu Corfforaethol
Mr John Darlington	Cyfarwyddwr Cynorthwyol Cynllunio Corfforaethol (rhan o'r cyfarfod)
Ms Amanda Lonsdale	Dirprwy Gyfarwyddwr Dros Dro Iechyd Meddwl ac Anableddau Dysgu (rhan o'r cyfarfod)
Mr Iain Wilkie	Cyfarwyddwr Dros Dro Iechyd Meddwl ac Anableddau Dysgu (rhan o'r cyfarfod)
Mrs Clare Darlington	Cyfarwyddwr Cyswllt Dros Dro Gofal Sylfaenol (rhan o'r cyfarfod)
Mr Simon Jones	Cyfarwyddwr Cynorthwyol Gofal Sylfaenol a Chomisiynu (rhan o'r cyfarfod)

Eitem agenda	Cam gweithredu
S21/22 Croeso ac ymddiheuriadau S21/22.1 Cadarnhaodd y Cadeirydd fod nifer mawr o ymddiheuriadau wedi dod i law ar gyfer y cyfarfod hwn. Holodd y Cadeirydd a oedd y grŵp yn gwneud cworwm. Mewn ateb i'r Cadeirydd, cadarnhaodd yr Ysgrifennydd fod cworwm yn y cyfarfod. S21/22.2 Cafwyd ymddiheuriadau gan Jo Whitehead, Y Cyng Llinos Medi Huws, Y Cyng Louise Emery, Y Cyng Christine Marston, Y Cyng	

Hilary McGuill, Y Cyng Dafydd Meurig, Ann Woods, Jackie Allen, Clive Nadin, Andy Burgen a Katie Sargent.	
S21/23 Datganiadau o Fuddiant Ni chafwyd dim.	
S21/24 Cofnodion drafft y cyfarfod a gynhaliwyd ar 28.06.21, materion yn codi a chynllun gweithredu cryno S21/24.1 Cytunwyd bod y cofnodion yn gofnod cywir ac ni wnaed sylwadau am y cofnod o gamau gweithredu.	
S21/25 Diweddaru Byw'n lach Aros yn lach S21/25.1 Cyflwynodd Cyfarwyddwr Dros Dro Partneriaethau, Cyfathrebu ac Ymgysylltu ei hun i'r grŵp, gan gadarnhau bod penodiad parhaol wedi'i wneud i'r rôl ac y bydd aelod staff newydd yn dechrau yn y swydd tua diwedd y flwyddyn. Yn y cyfamser, cafwyd cynnydd ar ddod â'r timau ymgysylltu a chyfathrebu ynghyd a hefyd ar ddatblygu gwaith mewn partneriaeth â'r CIC a phartneriaid eraill. S21/25.2 Mae Cyfarwyddwr Dros Dro Partneriaethau, Cyfathrebu ac Ymgysylltu wedi bod â rhan mewn datblygu'r diweddariad o Byw'n lach Aros yn lach, yn cynnwys y broses cynllunio ac ymgysylltu. Bydd y rhaglen yn ddiweddariad o'r cynllun gwreiddiol. Gwnaed newidiadau mewn perthynas â'r pandemig ac mae cynllun newydd ar gyfer iechyd a gofal cymdeithasol yn cael ei adolygu fel rhan o'r broses. Ailystyriwyd y strategaeth bresennol a chafwyd cynnydd o ran pennu nod y diweddariad. Mae'r ymgysylltu wedi dechrau a'r prif gyfrwng ar gyfer ymateb yw holiadur ar y wefan. Mae'r tîm yn awyddus i ofyn barn grwpiau lleol a bydd yr holl ymatebion wedi'u cynnwys yn yr un dadansoddiad a bydd unrhyw themâu wedi'u cofnodi mewn adroddiad ar gyfer datblygu drafft nesaf y strategaeth. Bydd canlyniad y broses diweddaru yn cyfrannu hefyd i'r cynllun gwasanaethau clinigol a'r broses cynllunio tymor canolig. S21/25.3 Nododd Cyfarwyddwr Dros Dro Partneriaethau, Cyfathrebu ac Ymgysylltu fod y tîm yn awyddus i glywed barn y grŵp, fel rhan o'r diweddaru, yn cynnwys unrhyw awgrymiadau ar gyfer ymgysylltu. Cadarnhaodd Cyfarwyddwr Cynorthwyol Strategaeth Iechyd fod y diweddariad wedi'i drafod â'r grŵp yng nghyfarfod mis Mehefin a bod yr adborth a gafwyd, a oedd yn cynnwys y pwyslais ar gydraddoldeb, wedi'i ystyried. Mae'r cynnod ymgysylltu ffurfiol wedi'i ymestyn i 6 wythnos yn awr felly mae'n bosibl y bydd cyfle i ddod â'r strategaeth ddrafft yn ôl i'r grŵp cyn ei chymeradwyo. Cadarnhaodd Cyfarwyddwr Dros Dro Partneriaethau, Cyfathrebu ac Ymgysylltu y bydd y tîm yn hyrwyddo cyfleoedd i gymryd rhan yn y broses diweddaru drwy gyfryngau cymdeithasol a sianeli ymgysylltu'r Bwrdd Iechyd. Bydd sesiynau holi ac ateb rhithiol ar gael ynghyd â chyfarfodydd â sefydliadau lleol.	

Ymunodd Mr John Darlington, Cyfarwyddwr Cynorthwyol Cynllunio Corfforaethol â'r cyfarfod.

S21/25.4 Nododd cynrychiolydd Hosbisau Gogledd Cymru ei bod yn bosibl bod staff yn profi blinder o ganlyniad i'r pandemig ac na fyddant yn awyddus i gymryd rhan. Cytunodd Cyfarwyddwr Dros Dro Partneriaethau, Cyfathrebu ac Ymgysylltu ond cadarnhaodd fod angen cynnal y broses hon. Mae'r tîm wedi mynd ati i wneud y broses yn un mor rhwydd a hyblyg â phosibl i gymryd rhan ynddi a bydd amrywiaeth fawr o ymatebion yn cael ei hystyried. Cadarnhaodd Cyfarwyddwr Cynorthwyol Strategaeth lechyd fod y diweddariad yn cynnwys cwestiynau cysylltiedig â COVID, y profiadau ohono a'i effaith ar bobl. Er bod yr amseriad yn anodd, mae angen i'r canlyniad gyfrannu i'r cynllun tair blynedd. Mae angen ailddechrau math o ymgysylltu parhaus a pharhau i gadw mewn cysylltiad â phobl.

S21/25.5 Cyfeiriodd cynrychiolydd Rhwydwaith Cydraddoldeb Rhanbarthol Gogledd Cymru at y boblogaeth o leiafrifoedd ethnig a drafodwyd ac roedd yn gobeithio y bydd hyn yn rhan o'r cynigion yn dilyn y diweddaru. Tynnwyd sylw hefyd at adborth gan grŵp 50+ oed Sir y Fflint gan fod pobl yn cael cais yn aml i lenwi holiaduron a dod i gyfarfodydd ond yn teimlo ei bod fel pe na bai pobl yn gwrandao neu'n ymateb a bod gwasanaethau'n dirywio. Mae'r grŵp hwn am i'r barnau hyn gael eu hystyried yn y diweddariad ac mewn rhaglenni tebyg. Rhoddwyd sicrwydd gan Gyfarwyddwr Dros Dro Partneriaethau, Cyfathrebu ac Ymgysylltu fod barnau a phryderon pobl yn cael eu cymryd o ddifrif. Mae'r tîm yn ymdrechu i symud ymlaen ar y materion y cyfeiriwyd atynt er mwyn sbarduno newidiadau strategol ac mae pobl yn gwrandao ar y barnau a fynegir gan yr holl gyfranogwyr, yn cynnwys grŵp 50+ oed Sir y Fflint.

S21/25.6 Cadarnhaodd Cyfarwyddwr Cynorthwyol Strategaeth lechyd y bydd adroddiad yn cael ei lunio, yn dilyn yr adborth ar y diweddariad, yn disgrifio sut bydd yr adborth yn arwain at newid y strategaeth a'r nodau. Nododd cynrychiolydd Cyngor Gwasanaethau Gwirfoddol Conwy fod Padlet yn hawdd ei defnyddio a'i bod yn hygyrch ar gyfer rhwydweithio. Holodd yr Is-gadeirydd am ble i ddod o hyd i'r ddolen uniongyrchol at y strategaeth ymgysylltu a gofynnodd am sicrwydd ein bod yn cael adborth gan y bobl y mae angen i ni gysylltu â nhw. Cadarnhaodd Cyfarwyddwr Cynorthwyol Strategaeth lechyd mai pwrpas yr ymgysylltu yw diweddaru materion a bod angen parhau â'r gwaith er mwyn sicrhau bod y tîm yn estyn at nifer mawr o grwpiau. Mae'r Prif Weithredwr yn cynorthwyo yn y gwaith cyd-ddylunio yn ogystal â Chyfarwyddwr Gweithredol Gofal Sylfaenol a Gwasanaethau Cymunedol sy'n cydweithio â'r tîm trawsnewid.

Yn fyr, roedd y Grŵp Cyfeirio Rhanddeiliaid:

• wedi cydnabod yr ymgynghoriad a nodi bod angen gwella'r ddolen adborth er mwyn sicrhau bod pobl yn cael ymateb sy'n nodi pa gamau a gymerwyd o ganlyniad i'r adborth. Mae'n bwysig bod yr elfen ymgysylltu yn y broses yn dod yn ddolen ddi-dor yn y dyfodol. • wedi dweud y byddai gweithredu'r cynllun yn her yn nhermau gwella iechyd a llesiant wrth wynebu'r pwysau ac oedi presennol ar draws y sefydliad. Mae'r grŵp o blaid egwyddorion y diweddariad a byddai'n hoffi gweld pwyslais ar sicrhau newid.	
S21/26 Cynllunio ar gyfer 2022/25 S21/26.1 Darparodd Cyfarwyddwr Cynorthwyol Cynllunio Corfforaethol atgrynhoed o'r cynllun presennol gan gadarnhau bod y cyflawniadau allweddol wedi'u nodi a'u cynnwys yn y cynllun blynyddol. Cymeradwywyd y cynllun gan y Bwrdd ym mis Gorffennaf ac mae'r cynllun llawn ar gael yn awr, ynghyd â chynllun cryno, ar wefan BIPBC. Wrth symud ymlaen, ochr yn ochr â'r ymateb i COVID, canolbwyntir ar iechyd, llesiant ac anghydraddoldeb y boblogaeth wrth i'r sefydliad ddechrau ymadfer. Mae pryderon ynghylch amseroedd aros hir a pharheir i gydweithio â phartneriaid ar adfer mynediad at ofal wedi'i gynllunio. Mae'r sefydliad yn ymateb i'r anghenion lechyd Meddwl a llesiant sy'n ganlyniad i'r pandemig ac mae rhai heriau o ran y gweithlu y bydd angen delio â nhw. Mae'r blaenoriaethau sy'n datblygu yn ymwneud â darparu cynlluniau newydd i sicrhau ein bod yn gweld effaith o'r buddsoddiadau sylweddol hyn yn ein cymunedau. Canolbwyntir hefyd ar ansawdd profiadau cleifion a'r ymateb parhaus i'r pandemig y bydd angen ei reoli. Rhoddir sylw hefyd i'r angen i wneud pethau mewn ffordd wahanol a chynaliadwy mewn meysydd fel Gofal Sylfaenol a chyflawni agenda ymestynnol dros y tair blynedd nesaf, er enghraifft, mewn Orthopedeg. S21/26.2 Cadarnhaodd Cyfarwyddwr Cynorthwyol Cynllunio Corfforaethol fod angen cydweithio'n agos â phartneriaid ac mae'r Bwrdd lechyd yn cydweithio ag lechyd Cyhoeddus i gwrdd ag anghenion y boblogaeth. Mae angen rhoi cymorth hefyd i dimau gweithredol i gynnig darpariaeth gyson a sicrhau cydweithio rhwng cymunedau iechyd. Bydd y negeseuon o ddiweddariad Byw'n Iach Aros yn lach yn cael eu cynnwys yn y cynllun. Mae'r tîm yn ceisio sicrhau cymorth a chysoni hefyd gan yr arweinwyr ardal. Trafodir y cynllun yng ngweithdai'r Bwrdd a'r Pwyllgorau yn Rhagfyr a bydd y cynllun terfynol yn mynd o flaen y Bwrdd i'w gymeradwyo yn Ionawr 2022. <i>Ymunodd Mr Iain Wilkie, Cyfarwyddwr Dros Dro lechyd Meddwl ac Anableddau Dysgu a Ms Amanda Lonsdale, Dirprwy Gyfarwyddwr Dros Dro lechyd Meddwl ac Anableddau Dysgu â'r cyfarfod.</i> S21/26.3 Cyfeiriodd yr Is-gadeirydd at anghenion y boblogaeth a holi a oes capasiti yn y cynllun i ddelio â'r baich yn sgil COVID. Cadarnhaodd	

Cyfarwyddwr Cynorthwyol Cynllunio Corfforaethol fod COVID hir wedi bod yn faes sylw yn y cynllun. Mae'r tîm yn bwriadu cynnwys capasiti i sefydlu gwasanaeth ar gyfer COVID hir neu drin yr afiechyd ochr yn ochr â meysydd eraill. Cadarnhaodd Cyfarwyddwr Cynorthwyol Strategaeth lechyd fod llwybrau'n cael eu datblygu i bobl sydd â COVID hir. O ganlyniad i'r pandemig, tynnwyd sylw hefyd at broblemau economaidd-gymdeithasol sy'n cynnwys ynysigrwydd cymdeithasol a llai o symudedd, problemau lechyd Meddwl sy'n cynnwys plant a'r risg o ddal y fflw am nad yw pobl wedi bod mewn cysylltiad ag ef.

Yn fyr, roedd y Grŵp Cyfeirio Rhanddeiliaid:

- wedi nodi'r angen i gynnwys dolen adborth dda mewn prosesau ymgysylltu.
- wedi tynnu sylw at ffyrdd i roi'r cynlluniau ar waith gan nodi eu bod yn ymwybodol iawn o'r pwysau a'r ôl-groniad sylweddol o ganlyniad i'r pandemig; yn ogystal â'r ffaith nad oedd pobl yn gallu cael mynediad at wasanaethau a oedd ar gael o'r blaen.

Ymadawodd Mr John Darlington, Cyfarwyddwr Cynorthwyol Cynllunio Corfforaethol a Ms Sally Baxter, Cyfarwyddwr Cynorthwyol Strategaeth lechyd â'r cyfarfod.

S21/27 Buddsoddi ym maes lechyd Meddwl

S21/27.1 Diolchodd Dirprwy Gyfarwyddwr Dros Dro lechyd Meddwl ac Anableddau Dysgu i'r grŵp am y gwahoddiad i roi cyflwyniad ar fuddsoddi ym maes lechyd Meddwl a'r rhaglen drawsnewid. Mae'r rhaglen yn canolbwyntio ar ddull cydgysylltiedig o weithredu er mwyn sicrhau bod cleifion yn rhan o lwybr i'r person cyfan. Mae pobl yn teimlo'n agored i niwed o ganlyniad i'r pandemig ac mae angen darparu cyfleoedd i bobl rannu eu profiadau a symud y pwyslais hefyd i ganiatáu i bobl reoli eu llesiant eu hunain. Datblygwyd gwasanaeth therapi gwybyddol ymddygiadol ar-lein ar gyfer Gogledd Cymru o'r enw Cwmwl Arian: gall unigolion eu hatgyfeirio eu hunain i'r system hon i gael cymorth a rheoli lechyd Meddwl da. Mae'r broses o ddiweddarau strategaeth Law yn Llaw at lechyd Meddwl wedi dechrau a'r bwriad cyffredinol yw datblygu modelau gofal newydd sy'n pontio'r sefydliadau a'r ffiniau.

S21/27.2 Nododd Dirprwy Gyfarwyddwr Dros Dro lechyd Meddwl ac Anableddau Dysgu fod cyfanswm o £6.7 miliwn wedi'i fuddsoddi yn y rhaglen drawsnewid ac y bydd y cynllun yn cysylltu pedwar maes strategol adrannol allweddol. Un o'r meysydd hyn yw gofal mewn argyfwng i bobl hŷn: nod y prosiect hwn yw atal pobl rhag dod i mewn i'r system ac mae gwaith mewn llaw gyda'r therapyddion galwedigaethol a rheolwyr meddyginiaethau. Maes arall a fydd yn cael sylw yw anhwylderau bwyta a'r angen i gynorthwyo unigolion mor fuan â phosibl cyn iddynt fynd i argyfwng. Tynnwyd sylw hefyd at y prosiect Gofal Sylfaenol i Can a fydd yn cael effaith sylweddol ar wasanaethau Gofal

Sylfaenol ac yn caniatáu i feddygon teulu dreulio amser gyda'r cleifion perthnasol. Mae'r holl gynlluniau'n canolbwyntio ar yr hyn sy'n bwysig i unigolion ac ar yr angen i gyflawni'r mesurau hynny.

S21/27.3 Cadarnhaodd Dirprwy Gyfarwyddwr Dros Dro Iechyd Meddwl ac Anableddau Dysgu y bydd sylw pendant yn cael ei roi i fesurau atal ac argyfyngau. Ceir cydweithio â'r gwasanaeth 111 a chydweithwyr mewn gwasanaethau CAMHS ac mae'r tîm yn bwriadu cynnwys Iechyd Meddwl yn y gwasanaeth 111 yn y dyfodol. Tynnwyd sylw at y model rhesymeg sy'n canolbwyntio ar ganlyniadau sylfaenol y cynllun yn ogystal â'r ffeithlun o'r cynllun strategol sy'n dangos y gwaith a wneir mewn perthynas ag atal a dewisiadau yn lle derbyn cleifion i'r ysbyty. Ychwanegodd Cyfarwyddwr Dros Dro Iechyd Meddwl ac Anableddau Dysgu fod mesurau atal ar gyfer gofal mewn argyfwng yn brif faes sylw a bod angen bod yn fwy soffistigedig yn y dyfodol er mwyn hwyluso cysylltiadau gweithio agos â gweddill y gymuned iechyd.

Ymunodd Ms Clare Darlington, Cyfarwyddwr Cyswllt Dros Dro Gofal Sylfaenol a Mr Simon Jones, Cyfarwyddwr Cynorthwyol Gofal Sylfaenol a Chomisiynu â'r cyfarfod.

S21/27.4 Holodd yr Is-gadeirydd am y cyswllt cyntaf a wneir â lleoliadau Gofal Sylfaenol a beth sydd ar gael i feddygon teulu i wneud i bobl deimlo'n fwy cyfforddus â'r broses. Cadarnhaodd Dirprwy Gyfarwyddwr Dros Dro Iechyd Meddwl ac Anableddau Dysgu fod pobl yn teimlo stigma wrth ofyn am gymorth: bydd y prosiect Gofal Sylfaenol iCan yn darparu dewis yn lle apwyntiad i weld meddyg teulu ac yn helpu pobl i ofyn am gymorth pan fo'i angen. Ar hyn o bryd, mae mwy o fenywod yn dod i gysylltiad ac mae'r galw mwyaf yn ymwneud â rheoli gorbryder a hwyliau. Holodd yr Is-gadeirydd a yw'r prosiect iCan ar gael yn ystod oriau swyddfa yn unig. Cadarnhaodd Dirprwy Gyfarwyddwr Dros Dro Iechyd Meddwl ac Anableddau Dysgu mai gwasanaeth pum niwrnod yr wythnos yw hwn ar hyn o bryd. Fodd bynnag, mae'r tîm yn ystyried ffyrdd i'w wneud yn wasanaeth saith diwrnod yr wythnos. Ychwanegodd Cyfarwyddwr Dros Dro Iechyd Meddwl ac Anableddau Dysgu fod lle i wneud rhagor o ran delio â stigma, bod angen mwy o waith mewn perthynas â chymdeithas a diwylliant a bod angen annog pobl i ddod ymlaen.

S21/27.5 Ategodd y Cadeirydd ei bod yn gymorth gweld cynlluniau mor uchelgeisiol a chadarnhaol, yn cynnwys y defnydd o ffeithluniau gan fod hynny'n gwneud y wybodaeth yn haws ei hamgyffred. Roedd y Cadeirydd hefyd wedi croesawu diweddariad chwemisol gan y tîm er mwyn adolygu'r cynnydd ar y cynllun. Awgrymodd y Cadeirydd hefyd y dylid defnyddio'r grŵp i roi prawf ar y defnydd o ddeunydd fel ffeithluniau er mwyn asesu beth a allai weithio'n dda yn ein cymunedau. Holodd Dirprwy Gyfarwyddwr Dros Dro Iechyd Meddwl ac Anableddau Dysgu ynghylch defnyddio'r grŵp hwn yn rhan o'r broses ymgysylltu ar gyfer diweddaru Law yn Llaw at Iechyd Meddwl. Croesawodd y Cadeirydd y cyfle hwn.

S21/27.6 Holodd cynrychiolydd Rhwydwaith Cydraddoldeb Rhanbarthol Gogledd Cymru ynghylch pa ystyriaeth a oedd wedi'i rhoi i anghenion lechyd Meddwl y poblogaethau lleiafrifol sydd ag ymagwedd wahanol at broblemau lechyd Meddwl ac sy'n ymwrthod â rhai mathau o driniaeth. Cadarnhaodd Dirprwy Gyfarwyddwr Dros Dro lechyd Meddwl ac Anableddau Dysgu fod Concordat Gofal mewn Argyfwng wedi'i gytuno'n ddiweddar ac y bydd y materion hyn yn cael eu hyrwyddo drwy'r cynllun hwnnw ledled Gogledd Cymru lle y gellir cael mynediad at rai o'r grwpiau mwy anodd eu cyrraedd.

Yn fyr, roedd y Grŵp Cyfeirio Rhanddeiliaid:

- wedi mynegi diddordeb mewn gweld y grŵp yn cael ei ddefnyddio i roi prawf ar y defnydd o ddeunyddiau a phrosesau, er enghraifft, troi strategaethau'n ffeithluniau
- wedi cytuno y byddai'n fuddiol cael diweddariad ar ôl chwe mis i gael gwybod sut mae'r rhaglen yn cael ei rhoi ar waith ar draws y sefydliad

Ymadawodd Mr Iain Wilkie, Cyfarwyddwr Dros Dro lechyd Meddwl ac Anableddau Dysgu a Ms Amanda Lonsdale, Dirprwy Gyfarwyddwr Dros Dro lechyd Meddwl ac Anableddau Dysgu â'r cyfarfod.

S21/28 Gweithredu'r System 111

S21/28.1 Nododd Cyfarwyddwr Cyswllt Dros Dro Gofal Sylfaenol fod y gwasanaeth 111 yn wasanaeth i Gymru gyfan a gomisiynwyd gan Ymddiriedolaeth Gwasanaethau Ambiwlans Cymru. Bellach mae'r gwasanaeth Galw lechyd Cymru blaenorol yn rhan o'r gwasanaeth 111 ac mae un rhif rhadffon ar ei gyfer i'r boblogaeth leol. BIPBC oedd y chweched Bwrdd lechyd i gyflwyno'r gwasanaeth 111 a chafodd ei lansio ar 22 Mehefin 2021. Ymunodd Simon Jones, Cyfarwyddwr Cynorthwyol Gofal Sylfaenol a Chomisiynu â'r cyfarfod am mai ef yw'r Uwch-swyddog Cyfrifol ar gyfer gweithredu'r gwasanaeth. Y brif neges yw bod y gwasanaeth yn gwbl weithredol, yn hygyrch ac yn ddiogel er ei fod o dan bwysau sylweddol sy'n gysylltiedig â'r system gofal brys / argyfwng ehangach.

S21/28.2 Cyfeiriodd Cyfarwyddwr Cyswllt Dros Dro Gofal Sylfaenol at y cynnydd yn y galw am y gwasanaeth 111 o ran nifer y galwadau, a'i bod yn bosibl bod y cynnydd diweddar yn ganlyniad i'r ffaith bod pobl yn cymryd gwyliau gartref. Mae nifer y galwadau'n rhoi pwysau ar ddarparwyr a gwasanaethau gofal sylfaenol am fod pobl yn ei chael yn anodd cael gafael ar wasanaethau eraill. Roedd y cyflwyniad yn dangos bod nifer mawr o alwadau a gafwyd drwy'r gwasanaeth 999 y bu'n bosibl eu dargyfeirio i'r gwasanaeth 111: mae cyswllt gwaith agos rhwng y ddwy system sy'n caniatáu delio â chyfran o'r nifer mawr o alwadau am wasanaethau brys 999 drwy'r gwasanaeth 111.

S21/28.3 Cyfeiriodd Cyfarwyddwr Cyswllt Dros Dro Gofal Sylfaenol at y canlyniadau a gafodd derbynwyr galwadau a'r canlyniadau o frysennu gan nyrsys sy'n dangos sut mae galwadau'n cael eu dyrannu i feysydd penodol. Bydd heriau'n codi yn y system yn y dyfodol. Mae YGAC yn adolygu cylchrestrau a chapasiti'r gweithlu drwy'r amser ac mae heriau'n codi yn y gweithlu o ganlyniad i broblemau sy'n cynnwys COVID. Fel Bwrdd Iechyd, mae'r tîm mewn cysylltiad yn rheolaidd â'r gwasanaeth 111 ac mae angen sicrhau bod partneriaid a chyfarwyddiaethau gwasanaethau yn cael y wybodaeth ddiweddaraf. Mae hwn yn waith sylweddol a gwneir cynnydd ar hyn dros y misoedd nesaf. S21/28.4 Holodd yr Is-gadeirydd a oes unrhyw ffigurau ar gael am derfynu galwadau a holodd hefyd a oes achosion lle gwneir y cysylltiad cyntaf a bod gofyn wedyn i bobl ailadrodd y manylion am hynny. Cadarnhaodd Cyfarwyddwr Cyswllt Dros Dro Gofal Sylfaenol fod YGAC yn casglu gwybodaeth am gyfraddau gadael galwadau ar ôl 60 eiliad a bod y data yn cael eu coladu ar sail Cymru gyfan ar hyn o bryd. Mae'r ffigurau cyfredol yn dangos bod y gyfradd yn uwch na'r targed cenedlaethol. Fodd bynnag, mae problemau o ran capasiti yn YGAC mewn perthynas â derbynwyr galwadau. Cadarnhaodd Cyfarwyddwr Cynorthwyol Gofal Sylfaenol a Chomisiynu mai dim ond unwaith y mae'n ofynnol i alwyr roi eu manylion yn ystod yr alwad. Nododd y Cadeirydd fod y gwasanaeth hwn yn un pwysig sy'n helpu i leddfu'r pwysau ar wasanaethau eraill, ac roedd y falch o gael diweddariad rheolaidd gan y tîm. <i>Ymadawodd Ms Clare Darlington, Cyfarwyddwr Cyswllt Dros Dro Gofal Sylfaenol a Mr Simon Jones, Cyfarwyddwr Cynorthwyol Gofal Sylfaenol a Chomisiynu â'r cyfarfod.</i>	CB/SJ
S21/29 Cyflwyniad Diweddarau Ymddiriedolaeth Gwasanaethau Ambiwylans Cymru S21/29.1 Rhoddwyd trosolwg gan Mr Steve Williams, cynrychiolydd YGAC ar y cydweithio presennol a oedd yn cynnwys gwasanaeth Asesu a Brysbennu Clinigol Integredig Sengl (SICAT) sy'n cael ei arwain gan feddygon teulu a'r gwasanaeth Consultant Connect sy'n cysylltu ag adrannau damweiniau ac achosion brys. Cyfeiriodd cynrychiolydd YGAC at natur ddifrifol yr achosion yn y galwadau a hefyd at nifer y teithiau ambiwlans i safleoedd cleifion sy'n arwain at gludo cleifion i ysbyty. Yn ddiweddar, cafwyd gwelliant bach yn y cyfraddau cludo lle mae'r canlyniadau wedi symud o rai sydd â blaenoriaeth at frysennu. S21/29.2 Nododd cynrychiolydd YGAC fod y gwasanaeth SICAT yn caniatáu i staff ar safle'r claf gael cysylltiad uniongyrchol â meddyg mewn ystafell reoli sy'n gallu cyngori neu gyfeirio cleifion at wasanaeth arall er mwyn ceisio osgoi derbyn cleifion i adrannau damweiniau ac	

achosion brys. Roedd cynrychiolydd YGAC wedi tynnu sylw hefyd at y defnydd o uwch ymarferwyr parafeddygol sydd hefyd yn cael eu defnyddio i geisio lliniaru'r sefyllfa o ran derbyn cleifion i adrannau damweiniau ac achosion brys ar y cyd â'r defnydd o uwch ymarferwyr parafeddygol i fentora ac uwchsgilio criwiau ambiwlans. Mae prosiect cofnodion clinigol cleifion electronig i ddechrau ym mis Tachwedd a fydd yn caniatáu i griwiau ambiwlans fewnbynnu data i lechen yn hytrach na'u cofnodi ar bapur. Bydd hyn yn cynnig manteision mawr oherwydd bydd data yn cael eu rhannu'n ddigidol fel y bydd timau meddygol yn gallu adolygu gwybodaeth y claf cyn i'r claf gyrraedd yr ysbyty. S21/29.3 Roedd cynrychiolydd YGAC wedi tynnu sylw at ddata BIPBC sy'n cadarnhau mai achosion o syrthio yw'r digwyddiadau y bydd criwiau ambiwlans yn mynd iddynt amlaf a bod y gyfradd cludo yn weddol isel gan fod modd delio'n ddiogel â rhai o'r achosion yn y cartref. Cyflwynwyd y strategaeth hirdymor sy'n rhoi pwyslais ar ddod â gofal at y claf, yn agosach i'w gartref. Er mwyn gwneud gwelliannau, mae angen i fwy o dderbynwyr galwadau 999 wella eu sgiliau asesu a sicrhau hefyd fod clinigwyr sy'n mynd i safleoedd achosion wedi'u paratoi'n well i asesu, trin a chyfeirio cleifion. Diolchodd y Cadeirydd i gynrychiolydd YGAC am y cyflwyniad. S21/29.4 Cydnabu'r Is-gadeirydd nad yw adnoddau YGAC yn ddihysbydd. Fodd bynnag, codwyd pryderon mewn perthynas ag argaeledd ambiwlansys mewn ardaloedd gwledig oherwydd y pellter o'r prif ysbytai. Cadarnhaodd cynrychiolydd YGAC fod y tîm yn cynnal ymgyrch recriwtio barhaus a'u bod yn gobeithio cynyddu nifer y staff yn sylweddol dros y 12-18 mis nesaf. Er hynny, mae angen rhoi sylw hefyd i'r broblem o ambiwlansys yn aros y tu allan i ysbytai. Mae'r tîm yn cydweithio ag asiantaethau partneriaid i geisio lleihau'r nifer o bobl sy'n mynd i adrannau damweiniau ac achosion brys er mwyn sicrhau bod ambiwlansys yn parhau i redeg yn y cymunedau. Nid ar gymunedau gwledig yn unig y mae hyn yn effeithio. S21/29.5 Nododd y Cadeirydd mai cleifion sydd wedi syrthio yw'r ganran fwyaf sy'n cael eu cludo a holodd a oes modd darparu unrhyw gymorth drwy'r grŵp hwn o ran gweithio cydweithredol, er enghraifft, gwelyau cam i fyny, cam i lawr yn y cymunedau. Cadarnhaodd cynrychiolydd YGAC fod gwasanaethau ar waith ar hyn o bryd a bod yr holl achosion o syrthio yn cael eu cofnodi'n ganolog. Fodd bynnag, mae cleifion sydd wedi syrthio yn rhai sy'n aros yn hir yn aml a gall hyn effeithio ar y canlyniad oherwydd po hiraf y bydd cleifion yn aros mwyaf fyddant yn dirywio gan amlaf. Diolchodd y Cadeirydd i gynrychiolydd YGAC a dweud ei bod yn falch o gael diweddariad rheolaidd gan y tîm.	SW
S21/30 Adroddiadau Blynyddol S21/30.1 Derbyniwyd yr Adroddiadau Blynyddol er gwybodaeth ac ni chodwyd unrhyw faterion.	

S21/31 Adroddiad Cynghorol i'r Bwrdd S21/31.1 Rhoddodd y Cadeirydd grynodedb mewn perthynas â phob un o'r prif eitemau agenda o'r materion a oedd i'w cynnwys yn yr adroddiad.	
S21/32 Eitemau i'w hystyried yn y cyfarfod nesaf a blaengynllun S21/32.1 Trafododd y grŵp yr eitemau i'w hystyried ar gyfer cyfarfod mis Rhagfyr.	
S21/33 Dyddiad y cyfarfod nesaf Dydd Llun 6 Rhagfyr 2021 (drwy Zoom)	

Cofrestr Presenoldeb

Enw	Teitl / Sefydliad	28.9.20	14.12.20	22.3.21	28.6.21	20.9.21
Ms Clare Budden	Darparwyr Tai (Cadeirydd)		✓	✓	✓	✓
Y Cyng Mike Parry	Un Llais Cymru	✓	✓	✓	✓	✓
Mr Gwilym Ellis Evans	Mantell Gwynedd	x	✓	✓	✓	✓
Y Cyng Llinos Medi Huws	Cyngor Sir Ynys Môn	x	x	x	✓	x
Y Cyng Louise Emery	Cyngor Bwrdeistref Sirol Conwy	x	✓	x	x	x
Y Cyng Christine Marston	Cyngor Sir Ddinbych	✓	✓	✓	✓	x
Y Cyng Hilary McGuill	Cyngor Sir y Fflint	✓	✓	✓	✓	x
Y Cyng Dafydd Meurig	Cyngor Gwynedd	x	x	✓	x	x
Y Cyng Joan Lowe	Cyngor Bwrdeistref Sirol Wrecsam	✓	x	✓	✓	x
Mrs Sian Purcell	Cyngor Gwasanaethau Gwirfoddol Medrwn Môn	✓	✓	x	✓	✓
Mrs Fiona Evans	Cyngor Gwasanaethau Gwirfoddol Conwy	✓	✓	✓	✓	✓
Mrs Debbie Thompson	Cyngor Gwasanaethau Gwirfoddol Sir Ddinbych	x	x	x	x	x
Mrs Ann Woods / Mrs Millie Boswell / Kate Newman	Cyngor Gwasanaethau Gwirfoddol Sir y Fflint	✓ MB	✓	✓KN	✓KN	✓KN
Mrs Jackie Allen	AVOW – Cymdeithas Mudiadau Gwirfoddol Wrecsam	✓	✓	✓	✓	x
Ms Claire Sullivan	NEWCIS	x	x	x	x	
Mrs G Winter	Yr Ymddiriedolaeth i Ofalwyr	x	x	x	x	
Ms Llinos M Roberts	Gwasanaeth Allgymorth Gofalwyr, Ardal Orllewinol BIPBC	✓	x	x	✓	
Mrs Mary Wimbury	Fforwm Gofal Cymru	✓	x			
Yr Athro Robert Moore	Rhwydwaith Cydraddoldeb Rhanbarthol Gogledd Cymru	✓	✓	✓	✓	✓
Mr Trystan Pritchard	Hosbisau Gogledd Cymru	x	✓	✓	✓	✓
Mr Wayne Davies	Ymddiriedolaeth Gwasanaethau Ambiwlans Cymru	✓	✓ SW	✓SW	x	✓SW
Mrs Jackie Allen / Mr Andy Burgen	Cadeirydd CICGC / Is-gadeirydd CICGC	✓ AB	✓AB	✓JA	✓JA	x
Mr Clive Caseley	Cyfarwyddwr Dros Dro Partneriaethau, Cyfathrebu ac Ymgysylltu – Gweithredwr Arweiniol BIPBC	✓	✓	✓	✓	✓

Mrs Sally Baxter	Cyfarwyddwr Cynorthwyol Strategaeth Iechyd, BIPBC	x	x	x	✓	✓
Mrs Katie Sargent	Cyfarwyddwr Cynorthwyol – Cyfathrebu, BIPBC	✓	✓	✓	✓	x